

A co scribemus. De Assyriorum Medorumq; imperio, deq; his in quibus dis-
sentiant scriptores, satis dictum putamus. Nunc ad Indos, eaq; quæ de his tra-
duntur, transeundum.

DESCRIPTIO INDIÆ, ET DE
ijs quæ in ea sunt, deq; Indorum moribus & in-
stitutis. Cap. X.

INDIA in quatuor latera distincta est. Quod ad orientem, quod ue ad meri-
diem uergit, magnū mare circumdat. Quod ad arctos spectat, Hæmodus mōs
ab ea Scythia quam habitāt hi qui appellantur Sacæ, diuidit. Quartum, quod
est ad occidentem, fluuius Indus terminat, omnium fere post Ninum maxi-
mus. Magnitudinem Indiæ ab oriente ad occasum scribunt stadiorum uigin-
tiocto milium, à septentrione ad meridiem milium duorum ac triginta. Hæc
tanta Indiæ magnitudo circulo æstiu tropici uidetur subiecta. In multis Indiæ
locis aiunt erectum lignum nullam à sole umbram reddere: nocte Arctos nō
uideri. In ultimis uerò minimè aspici Arcturum; quo in loco umbras uersus
meridiem inclinare dicunt. India multos montes ac magnos continet, arbori-
bus omnis generis oppletos. Campos insuper plurimos, maximosq; fructi-
bus uberes, pulchritudine egregios. Diuisa est fluminum multitudine, agros
plurifariam rigantium. Ista ex re bis in anno præbet fructus: animantia uarij
generis producit præ cæteris magna, ac robusta, partim terrestria, partim uo-
lantia. Elephantes insuper plurimos maximosq; qui Libyos robore excel-
lant. Vtuntur his, quos uenatione abundè capiunt, in prælijs; multumq; ad ui-
ctoriā conferunt. Homines quoq; fert proceros ac ualidos, & artificio accō-
modatos: ut qui aërem purum ducant, & aquam bibant salubrem. Terra &
domesticis fructibus opulenta est, & uarijs multiplicibusq; metallis fecunda.
Nascitur in ea ingens argenti auriq; uis: non parum quoq; æris, ferriq; & ori-
chalci. Multa insuper ad cultum utilitatemq; uitæ, & belli apparatus. Præte-
rea inter alias segetes sit apud Indos plurimum milij ac leguminū, agros aqua
fluminum irrigante. Oryza quoq; & quod appellant bosphorum, multaq;
alia ad cibum utilia. Plures insuper fructus, animantium nutrimenta: que lon-
gum esset recensere. Ob hanc causam affirmat nunquam Indiam fame aut re-
rum inopia premi. Nam cum bis annis singulis segetes ferat, hunc quidē hye-
me, quo tempore alij rizum ferunt, percipiunt: alterum æstate, cum oryza, se-
samus, bosphorus, milium, feruntur. Quo accidit, ut præcipua sit apud Indos
ubertas: cum & sua sponte nascatur fructus, & palustres dulcedine præcipua
radices magnam copiam uictui hominum præbeant. Omnis enim fere cam-
pestris regio dulcem tum à fluminibus humorem suscipit, tum à pluuia, quæ
certo anni tempore fieri æstate consueuit. Sunt radices quoq; palustres æstu
decoctæ, sed magnarum præcipue arundinum, dulces. Conferunt etiam ad Indo-
rum fertilitatem consuetudo quæ in bellis seruatur. Nam apud cæteras gen-
tes hostes bellorū tempore regiones spoliāt, uastantq;, nec agros coli sinunt.
apud Indos uerò belli tempestate in campis opus rusticum exercent absq; cura
agricolæ, procul ab omni discrimine belli. Hostes in prælijs mutua cæde
grassantur: agricolis nulla in re nocent, sed intactos relinquunt, tanquam
communis utilitatis ministros. Neque uerò hostium agros urunt, neque cæ-
dunt arbores. Habent insuper Indi plura flumina, ingentiaq;, nauigijs apta,
que ex fontibus montium ad septentrionem uergentium in campestria decur-
runt. Horum permulti in unum cœuantes, in Gangem defluunt. Eius latitudo
stadium est triginta. Fertur à septentrione ad meridiem, in que mare O-
ceanum ingreditur, delapsus uersus orientem per Gandaros, apud quos per-
multi sunt maximi que elephanti. Quo accidit, ut nullus unquam eis rex ad-
uena imperarit, propinquis gentibus numerum uim que beluarum ueritis.

Alexan-